



S T A T U T

**UDRUŽENJE ANTIFAŠISTA I BORACA NOR-a
U OPĆINI CENTAR – SARAJEVO**

2006

S A D R Ź A J

- I. OPĆE ODREDBE**
- II. OSNOVNI PROGRAMSKI CILJEVI**
- III. DJELATNOST UDRUŽENJA**
- IV. JAVNOST RADA**
- V. ČLANSTVO**
- VI. UDRUŽENJA**
- VII. ORGANI UDRUŽENJA**
- VIII. SARADNJA SA DRUGIM ORGANIZACIJAMA I ORGANIMA**
- IX. SREDSTVA UDRUŽENJA**
- X. STRUČNA SLUŽBA**
- XI. PRESTANAK RADA UDRUŽENJA**
- XII. DONOŠENJE, IZMJENE I DOPUNE STATUTA**
- XIII. ZAVRŠNE ODREDBE**

Na psnoyu člana 12. i 14. Zakona o udruženjima i u skladu sa članom 33. Zakona o udruženjima i fondacijama (Službene novine Federacije BiH broj: 45/02). Skupština a boraca narodno-oslobodilačkog antifašističkog rata Centar Sarajevo, na sjednici održanoj dana donosi (prečišćen) tekst

STATUT

UDRUŽENJE ANTIFAŠISTA I BORACA NOR-a U OPĆINI CENTAR - SARAJEVO

I - OPĆE ODREDBE

Član 1.

Udruženje boraca narodnooslobodilačkog antifašističkog rata centar Sarajevo je samostalna, jedinstvena, nestranačka, multinacionalna, antifašistička i demokratska organizacija dobrovoljno udruženih antifašista i boraca narodnooslobodilačkog rata1941-1945.koji su se udružili radi zaštite i ostvarivanja svojih ličnih i zajedničkih prava i interesa i koji prihvataju programska opredjeljenja Udruženja i ovaj statut. Skraćeni naziv Udruženja je UABNOR Centar Sarajevo. Udruženje djeluje na području općine Centar Sarajevo, Kantona Sarajevo. Sjedište Udruženja je u Sarajevu, ulica Mis Irbina broj 11.

Član 2.

Udruženje je udruženi član Saveza antifašista i boraca narodno-oslobodilačkog rata u Bosni i Hercegovini i prihvata njegova programska opredjeljenja i Statut SABNOR BiH. Udruženje je udruženi član Kantonalnog Saveza antifašista i boraca narodnooslobodilačkog rata Kantona Sarajevo.

Član 3.

Udruženje ima svojstvo pravnog lica.
Udruženjem upravljaju njegovi članovi neposredno i preko izabranih

predstavnik u upravnim organima utvrđenim Statutom.

Udruženje je upisano u Registar udruženja Ministarstva pravde i uprave Kantona Sarajevo.

Osobe ovlaštene za zastupanje i predstavljanje udruženja su predsjednik i dva podpredsjednika upravnog odbora.

Član 4.

Udruženje ima svoj pečat.

Pečat Udruženja je okruglog oblika promjera 3,5 cm i unaokolo ispisan tekst: Udruženje antifašista boraca narodno oslobodilačkog rata - u Općini Centar Sarajevo, sa znakom (ambblemom) SABNOR BiH u sredini. O čuvanju i upotrebi pečata brine se sekretar.

Član 5.

Odlukom Skupštine Udruženje može dodjeljivati odgovarajuća priznanja zaslužnim pojedincima i organizacijama, u skladu sa Pravilnikom koji donosi Predsjedništvo Udruženja.

Član 6.

Udruženje ima svoj žiro-račun kod Zavoda za platni promet Federacije BiH, Filijala Sarajevo.

II - OSNOVNI PROGRAMSKI CILJEVI

Član 7.

Udruženje u cjelosti prihvata osnovne programske ciljeve Saveza antifašista i boraca narodnooslobodilačkog antifašističkog rata Bosne i Hercegovine.

Osnovni programski ciljevi Udruženja su usklađeni sa ciljevima SABNOR BiH, a to su:

1. očuvanje i izgradnja slobodne i multinacionalne, nezavisne i suverene, demokratske i sekularne BiH države slobodnih i ravnopravnih građana i naroda u njenim avnojskim i zavnbihskim i međunarodno priznatim granicama, ekonomski i prosperativnog društva sa razvijenom komunalnom samoupravom i države socijalne pravde pravne sigurnosti građana;
2. očuvanje trajnog mira i razvijanje demokratije na osnovama Povelje Ujedinjenih naroda, Opće deklaracije UN o pravima čpvjekai Statuta Svjetske federacije starih boraca (FMAC-WVF);
3. njegovanje slobodarskih i antifašističkih tradicija naroda Bosne i Hercegovinei odbrane istine o antifašističkom NOB-u 1941-1945;
4. zaštita stečenih ličnih prava i zalaganja za poboljšanje materijalnog položaja i zdravstvene zaštite boraca, ratnih vojnih invalida i porodica poginulih i umrlih boraca NOR-a 1941-1945 i države Bosne i Hercegovine;

III - DJELATNOST UDRUŽENJA

Član 8.

Djelatnost Udruženja, njegovih organa, radnih tijela i službi, obuhvataju naročito pitanja koja se odnose na:

1. ostvarivanje programskih ciljeva utvrđenih ovim Statutom;
2. podsticanje i organizovanje obilježavanja značajnih događaja i sjećanja na borce NOR-a 1941-1945, odbranu i širenje istine o NOB 1941-1945;
3. podsticanje i organizovanje aktivnosti građana i drugih subjekata društva u općini na zaštiti i održavanju spomenika, spomen - obilježja, muzejskih eksponata i arhivske historijske građe o NOB-u 1941-1945;
4. iniciranje i učestvovanje u prikupljanju i čuvanju arhivske i historijske građe o pokretu otpora i oslobodilačkoj borbi: njihovo obrađivanje i prezentiranje javnosti;

5. učestvovanje u donošenju zakona, opštih akata i drugih propisa kojima se uređuju prava boraca, ratnih vojnih invalida i porodica poginulih I umrlih boraca;
6. prikupljanje podataka i vođenje evidencije o svom članstvu neophodnih za izvršavanje poslova iz djelokruga rada organa Udruženja utvrđenih ovim Statutom;
7. vođenje evidencija spomenika i spomen-obilježja NOB-a 1941-1945;
8. vršenje određenih humanitarnih djelatnosti od interesa za borce NOR 1941-1945;
9. informisanje članstva i javnosti o aktivnosti Udruženja i njegovih organa;
10. vršenje administrativno-tehničkih i materijalno finansijskih poslova za potrebe Udruženja;
11. vršenje poslova javnog ovlaštenja ukoliko se takvi poslovi povjere Udruženju na osnovu Zakona o udruživanju građana i drugih zakona;
12. obavljanje privredne ili uslužne djelatnosti od interesa za borce NOR-a i Udruženje, u skladu sa propisima i odobrenjem državnih organa; i
13. vršenje drugih poslova o kojima se dogovori i odluči na Skupštini i sjednicama drugih organa Udruženja.

IV- JAVNOST RADA

Član 9.

Djelovanje Udruženja i njegovih organa i tijela je javno:

Svi skupovi Udruženja i njegovih organa su otvoreni za sredstva javnog informisanja kao i dokumenta donesena na tim skupovima.

Putem sredstava javnog informisanja, lista "Glas antifašista" i na drugi uobičajeni način.

Udruženje će obavještavati svoje članove i javnost svome radu.

V - ČLANSTVO

Član 10.

1. Učlanjivanje i istupanje iz Udruženja

Članstvo u Udruženju boraca je dobrovoljno.

Prvo da bude član Udruženja antifašista i boraca NOR-a ima svaki građanin Bosne i Hercegovine, koji je:

1. učestvovao u narodno - oslobodilačkom antifašističkom ratu ili na bilo koji način pomogao antifašistički narodnooslobodilački pokret 1941-1945;
2. bio u zarobljeništvu, zatvoru internaciji, logoru deportaciji ili na prinudnom radu zbog pomaganja antifašističkog narodno-oslobodilačkog pokreta;
3. izvan zemlje bio u oružanim formacijama savezničkih zemalja i borio se protiv fašizma i nacizma 1941-1945 godine; i
4. drugi antifašisti u skladu sa ovim Statutom.

Član 11.

Svi članovi registrovani u Udruženje do donošenja ovog statuta, ostaju redovni članovi Udruženja.

Prijem novih članova vršit će Podružnica na osnovu ličnog zahtjeva zainteresovanog lica, u skladu sa odredbama Statuta SABNOR BiH.

Svim članovima Udruženja izdat će se nove članske knjižice kada ih utvrdi Upravni odbor SABNOR BiH, a do tada važe do sada izdate članske knjižice.

Član 12.

Članstvo u Udruženju prestaje;

- a) samovoljnim istupanjem iz Udruženja
- b) brisanjem iz članstva.

Član 13.

Iz Udruženja brisat će se onaj član koji:

- se ogriješi o programske ciljeve SABNOR BiH;
- djeluje suprotno odredbama ovog Statuta i Statuta SABNOR BiH;
- svojim ponašanjem nanosi štetu ugledu SABNOR-a.

Odluku o brisanju iz članstva donosi podružnica.

Na odluku o brisanju članstva može se izjaviti žalba Skupštini Udruženja,

Član 14.

Prava, dužnosti i odgovornosti članova.

Član Udruženja ima prava, dužnosti i odgovornosti:

- da bira i bude biran u organe i tijela svih organa SABNOR-a BiH;
- da djeluje na ostvarivanju programskih ciljeva SABNOR-a BiH, Statuta SABNOR-a BiH i Statuta svog Udruženja;
- da svojom ličnom aktivnošću učestvuje u utvrđivanju, tumačenju i ostvarivanju programskih ciljeva SABNOR-a BiH i svog Udruženja;
- da čuva ugled antifašističkog borca, SABNOR-a BiH i svog Udruženja;
- da učestvuje na skupovima, (sastancima, sjednicama, tribinama, simpozijima, kolokvijima, manifestacijama, demonstracijama isl.) Udruženja njegovih organa i radnih tijela i dalje prijedloge za unapređivanje aktivnosti Udruženja i organa SABNOR-a;
- da učestvuje na sastancima Udruženja i njegovih organa na kojima se raspravlja o njegovom ličnom radu i odgovornosti;
- da izvršava zadatke i druge obaveze koje preuzima u dogovorima u Udruženju, njegovim organima i radnim tijelima;
- da bude informisan o svim programima i aktivnostima

Udruženja i Saveza udruženja i njihovih organa i da plaća članarinu.

VI – UDRUŽENJA

Član 15.

Udruženje je registrovano na teritorijalnom i funkcionalnom principu. Udruženje čine i svi registrovani članovi Udruženja.

U cilju vođenja aktivnosti podružnice, Upravni odbor Opštinskog Udruženja SABNOR-a imenuje povjerenika.

Ovisno o veličini podružnica, broja članova i drugih elemenata, može se imenovati jedan povjerenik za dvije ili više podružnica. Povjerenik obavlja slijedeće poslove i zadatke:

- vodi evidenciju članstva podružnice;
- vodi evidenciju bolesnih i nepokretnih članova Saveza antifašista i boraca NOAR-a i inicira obilazak i pomoć borcima, te vodi evidenciju mladih antifašista i drugih građana antifašista koji pristupaju organizaciji SABNOR-a;
- inicira potrebe okupljanja članova, podružnica radi razmatranja aktuelnih pitanja i zadataka iz rada podružnica;
- za slučaj smrti člana podružnice inicira posjetu porodici umrlog člana i pomoć oko sahrane, posmrtnog govora i sl;
- prikuplja članarinu i vodi evidenciju o istoj;
- upravni odbor Udruženja donosi odluku o obliku i visini nagrade za rad povjerenika.

VII - ORGANI UDRUŽENJA

Član 16.

Organi Udruženja su:

1. Skupština
2. Upravni odbor
3. Nadzorni odbor.

Skupština Udruženja je najviši organ Udruženja.
Skupštinu čine delegati iz podružnica Udruženja.
Skupština se sastaje prema potrebi, a najmanje jedanput godišnje.
Redovna izborna Skupština održava se svake četiri godine.
Skupštinu saziva Upravni odbor Udruženja.
Upravni odbor Udruženja je dužan sazvati Skupštinu i na zahtjev najmanje 1/2 članova Upravnog odbora odnosno podružnica.
Skupština punovažno odlučuje ako je prisutna većina članova, a odluke se donose većinom glasova prisutnih članova.

Član 17.

Skupština Udruženja ima 19 članova, s tim da su članovi Upravnog odbora po funkciji i članovi Skupštine dok se ostali biraju iz podružnica.
Skupština na prvoj konstituirajućoj sjednici: Donosi,

- Odluku o konstituisanju Udruženja;
- Poslovnik o svome radu kojim se pobliže reguliše rad Skupštine;
- Razmatra i usvaja Statut Udruženja;
- Verifikuje mandate izabраниh delegata;
- Utvrđuje broj članova Upravnog odbora, bira novi i razrješava dosadašnji Upravni i Nadzorni odbor, predsjednika, dva podpredsjednika, sekretara;
- Raspravlja o radu Udruženja;
- Bira delegate u Savez antifašista i boraca Kantona Sarajevo i
- Bira delegate u organe i radna tijela SABNOR-a BiH.

Član 18.

Skupština, kao najviši organ Udruženja je nadležan za:

- a) donošenje Statuta, izmjena i dopuna Statuta i drugih akata održanih Statutom;
- b) odlučivanje o pripajanju, razdvajanju, transformaciji, raspuštanju i prestanku rada, kao i o drugim statusnim promjenama udruženja;
- c) imenovanje i razrješavanje članova upravnog odbora,

- d) usvajanje izvještaja koje je pripremio upravni odbor,
- e) odlučivanje o svim drugim pitanjima koja nisu u nadležnosti drugih organa udruženja.

Član 19.

Skupštini presjedava Radno predsjedništvo, koje bira Skupština.

Član 20.

Upravni odbor Udruženja je izvršni organ Skupštine.

Upravni odbor ima 11 članova, a čine ga: predsjednik, dva podpredsjednika i određen broj članova koje bira Skupština iz redova članova SABNOR-a.

Mandat predsjednika traje četiri godine, uz mogućnost ponovnog izbora zavisno od kadrovskih mogućnosti i rezultata rada.

Svi članovi Upravnog odbora imaju jednaka prava, obaveze i odgovornost za rad Upravnog odbora.

Upravni odbor održava svoje sjednice prema potrebi, a najmanje jedanput mjesečno.

Upravni odbor punovažno odlučuje ako je prisutna većina članova, a odluke donosi većinom glasova prisutnih članova.

Član 21.

Upravni odbor:

- a) priprema sjednice skupštine;
- b) priprema nacrt statuta i drugih akata koje donosi skupština;
- c) provodi politiku, zaključke i druge odluke koje je donijela skupština;
- d) raspolaže imovinom Udruženja;
- e) podnosi godišnji ili periodični izvještaj o svom radu skupštini na usvajanje; i
- f) vrši i druge poslove određene statutom.

Član 22.

Upravni odbor donosi poslovnik kojim se bliže određuje rad Upravnog odbora.

Član 23.

Nadzorni odbor sastoji se od 3 člana, koje bira Skupština Udruženja. Nadzorni odbor iz svojih redova bira svog predsjednika i njegovog zamjenika.

Nadzorni odbor najmanje jednom godišnje kontrolira materijalno-financijsko poslovanje Udruženja i o tome podnosi izvještaj Skupštini i Upravnom odboru.

Član 24.

Mandat članova organa Udruženja traje četiri godine uz mogućnost obnove zavisno od rezultata rada i kadrovskih mogućnosti. Upravni odbor može izvršiti kooptiranje novih članova do 1/2 članova Upravnog odbora, organa Udruženja, umjesto onih koji su prestali da obavljaju svoje funkcije.

Ako se broj članova smanji ispod 50%, saziva se vanredna izborna Skupština Udruženja radi izbora novog sastava.

Član 25.

Skupština i Upravni odbor Udruženja mogu posebnom odlukom obrazovati povremene komisije za obavljanje određenih zadataka.

Član 26.

Izbori u organe Udruženja po pravilu su neposredni i sa više kandidata, ukoliko izborna tijela drugačije ne odluči.

Ukoliko je prilikom izbora na kandidacionoj listi predloženo više kandidata nego što je predviđeno, izabrani su oni kandidati koji su dobili najveći broj glasova.

Član 27.

Izbori u Udruženju mogu biti redovni, vanredni i dopunski. Vanredni izbori se obavljaju kada izborno tijelo utvrdi daje to potrebno.

Član 28.

Skupština Udruženja može opozvati organ ili njegove članove koje su izabrali, ukoliko oni ne ispunjavaju svoje dužnosti.

Rad i odgovornost članova u organima Udruženja regulisaće se poslovnicama ili drugim opštim aktima Udruženja.

Član 29.

Izborni organi i njihovi predstavnici mogu podnijeti ostavku i prije isteka roka na koji su izabrani, ukoliko izjave da ne mogu uspješno obavljati svoje dužnosti.

U slučaju opoziva ili ostavke predstavnika ili organa bira se drugi predstavnik ili organ iz sredine koja gaje opozvala, odnosno izabrala.

VII - SARADNJA SA DRUGIM ORGANIZACIJAMA I ORGANIMA

Član 30.

U druženje antifašista i boraca NOR-a otvoreno je za ravnopravnu saradnju od obostranog interesa sa svim organizacijama i udruženjima građana istovjetne ili slične programske orijentacije u zemlji i inostranstvu.

Udruženje će o zajedničkim pitanjima i interesima razvijati saradnju sa boračkom organizacijom odbranbeno - oslobodilačkog antifašističkog rata 1992-1995., udruženjima opština i kantona u Bosni i Hercegovini, saveza za sport i rekreaciju invalida, viktimološkim društvom, organizacijom gerontologa, udruženjima penzionera, institucijama penzijsko-invalidskog osiguranja, humanitarnim organizacijama i drugim organima, organizacijama i udruženjima s kojim je saradnja u interesu SABNOR-a BiH.

U cilju unapređivanja međusobne saradnje, dogovorom zainteresovanih

strana, mogu se obrazovati koordinaciona i slična radna tijela.

Međunarodnu saradnju Udruženje će ostvariti putem SABNOR BiH kao članom Svjetske federacije starih boraca (FMAC - WVF).

IX - SREDSTVA UDRUŽENJA

Član 31.

Sredstva Udruženja čine nepokretna i pokretna imovina, prihodi od članarine, dobrovoljnih priloga, dotacija općinskog budžeta, donacija, sponzorstva, zavještanja (legata), djela profita vlastitih preduzeća (firmi) osnovnih isključivo u okviru programskih ciljeva i registrovane djelatnosti, u skladu sa zakonom, doprinosa građana i organizacija i drugih prihoda.

Član 32.

Raspodjela članarine vrši se na način utvrđen odlukom Upravnog odbora Udruženja.

Član 33.

Finansijsko i materijalno poslovanje obavlja se u skladu sa važećim propisima državnih i finansijskih organa.

Naredbodavac po finansijskom planu Udruženja je predsjednik Upravnog odbora Udruženja.

Član 34.

Finansijski plan prihoda i rashoda Udruženja utvrđuje Upravni odbor Udruženja za svaku kalendarsku godinu, finansijskim planom prihoda i rashoda i donosi završni račun u skladu sa važećim propisima.

X - STRUČNA SLUŽBA

Član 35.

Radi obavljanja upravno-izvršnih, administrativno-tehničkih i materijalno-finansijskih poslova, Upravni odbor ima svoju stručnu službu.

Član 36.

Organizaciju poslova i radnih zadataka u stručnoj službi utvrđuje Upravni odbor Udruženja.
Stručnom službom rukovodi predsjednik Upravnog odbora.

XI - PRESTANAK RADA UDRUŽENJA

Član 37.

Udruženje prestaje s radom po sili zakona, kad nadležni sud donese odluku o zabrani rada ili kada se broj njegovih članova smanji ispod 30, zakonom najmanjeg broja za osnivanje.

Odluku o prestanku rada donosi Skupština Udruženja.

Imovina Udruženja, u slučaju prestanka njegovog rada, pripada organizaciji koja preuzme njegove funkcije, ako se odlukom o prestanku njegovog rada drukčije ne odredi.

XII - DONOŠENJE, IZMJENE I DOPUNE STATUTA

Član 38.

Izmjene i dopune Statuta vrši Skupština Udruženja na prijedlog Upravnog odbora Udruženja statutarnom odlukom.
Prilikom pripreme i dostavljanja prijedloga, izmjena i dopuna Statuta Skupštini na usvajanje, Upravni odbor je dužan razmotriti mišljenje, prijedloge i sugestije podružnica.

Član 39.

Tumačenje ovog Statuta daje Upravni odbor Udruženja. Pitanje koje nije utvrđeno ovim Statutom, a pojavi se kao smetnja u djelovanju Udruženja, Skupština Udruženja može privremenom odlukom urediti dotično pitanje, koje će se primjenjivati do donošenja izmjena i dopuna Statuta Udruženja. Statutarna odluka se primjenjuje do utvrđivanja prečišćenog teksta Statuta.

Član 40.

O svakoj promjeni teksta Statuta Upravni odbor Udruženja je dužan pismeno obavjestiti nadležni registracioni organ.

Član 41.

Udruženje se može spojiti, pripojiti i transformisati u drugo udruženje o čemu odlučuje Skupština 2/3 većinom.

Član 42.

Financijski izvještaj i izvještaj o radu donosi Upravni odbor jednom godišnje i podnosi ga na usvajanje Skupštini.

XIII - ZA ZAVRŠNE ODREDBE

Član 43.

Ovaj Statut stupa na snagu danom donošenja.

ZA SKUPŠTINU

Ladislav Šumanjski